

von Wulf Wager

Dia stillschte Zeit



Eigentlich sott jo dr Advent dia "stillste Zeit im Jahr" sei. Ma sott sich vorbereita auf die Ankunft, also die Geburt vom Jesuskendle. Schlemm isch, dass es Leit geit, dia garnet wissat, was mr an Weihnachta feiert! Dia genießat halt des warme Gefühl, wenn beim Weihnachtsmarkt-bsuach dr vierte Glühwei dia brannte Mandla ond dia Thüringer Roschtbrotwurscht em Maga ersäufat ond drzua "White Christmas" aus ma gschmacklosa Blaschdiggrentier mit ra rot leuchtenda Nos dudlet.

Aber es goht au anderscht. Ma ka dia Adventszeit au inwendig a Stickle weiter doba, em Herza erleba. I lad Sia ei zoma wirklich schöna Adventskonzert mit alte traditionelle Weisa aus onserm Ländle, dia 's schonscht nirgend mai zom höra geit. Des fendet am kommenda Samschdich om siebane am Obend en dr wunderschöna Musikhalle en Ludwigsburg statt. I derf des moderiera: "Volksmusik zum Advent". Mit drbei send meine Stäffelesgeiger, die Klau-sengruppe aus Haslach i.K., die Bläsergruppe Trotzblech aus Cannstatt, dui Ostelsheimer Stubenmusik ond Drei-Xang, drei jonge Fraua, die mit ihre Engelsstemmla wondrouschö sengat. I dät mi jessasmäßig freia, wenn i Sie dort begrüßa dirft. I han extra a paar nette Gschichtla ond a Krippenspiel für Sie gschriebea.

Volksmusik zum Advent

Musikhalle Ludwigsburg, Festsaal

Datum: 21.12.2013, Beginn: 15 Uhr und 19.30 Uhr

Eintrittspreis: 14,00 Euro

Kartenbestellungen und Vorverkauf:

Easy Ticket, www.easyticket.de

Tel. 0711-25 55-401

Bis näggschd Woch'
Ihr

Alle Kolumnen unter www.woascht.de

